


Switana Nwrrwknri Bigwma Nama?



*Amazing Facts
Study Guide*

11



Mwjang?

Iswra tarwinw Switannw beton hwnanwi nwrwkni gahai salaigiri dwndwng ne, basai jayi mansifwrni sajakou suhnaini takwi? Nwrwkni swmwndwi Baibelni switw nongyikou fwtaigrafra gaswibw songsaranw jaframnw hagou, arw nwrwkni swmwndwi Baibela tarwinw ma bungmarw bekou mitinaini takwi da nwngha dahar badi jananiw thabai. Togai janw nanga ... manwna nwrwkni swmwndwi nwngh ma sannw be Iswrni swmwndwi sannaiao gwhwm kwklaigwn! Dinwini Sanao be gwmwtao nongubwigoukou mitinaini takwi dose som ladw!

1

Bese gwbangsim basai jayi mansifra dinwi nwrwkao saja hwjadwng?

“Fwrbaa dhwrwmiafwrkou anjartnifrai ma badi basainanggou arw inai maografwrkou mabrwi bisar Sansim sajai hwnaini takwi dwnnanggou bekou Fwrbaa rwnggou” (2 Petor 2:9).

Finnai: Nwrwkao dinwi sasebw mansi gwia. Baibela bungw je Iswra dustofwrkou saja hwnaini takwi bisarni somkou nebai thadwng.

2

Basai jayifra mabla nwrwkao garjagwn?

“Bebadinw jwpnaini bwtwrao jagwn. Mansini bica houaya gaoni raijwnifrai arfowrkou twnhornanwi fap-ao dwidenlangnai safrwmkoubw arw jaira inai habafwr maow, biswrkou gwmwrwngyi orao garsongwn” (Matai 13:40-42). “Angni bungnai batrafranw jwpnai sanao bikou dosi kalamgwn” (Johon 12:48).

Finnai: Songsarni jwbna bwtwrao geder bisarni somao fapifra nwrwkao garjagwn ... biswr twinai somao nonga. Jwbna bwtwrao jebblasim gaswibw mansini bisara bijirsaliao tirang kalamjwbna nonga, biswrkou Iswra nwrwkao saja hwnai nonga. Eke fap maonaini sajaya eke janangou, natai sanna la je sase mansi sitargraya 5000 bwswr sigang twinanwi thangbai, biw dinwini somao twinai mansi sitargrani krui 5000 bwswr gwbaosin nwrwkao caoj nangou nama, sannanwi naidw eke fap maonaini takwi Iswra be badi kalamgwn nama ? ... **(Jagaijennai 18:25 kou naidw.)**



3

Basai jayi twinaifra da boha dong?

"Jebba gwtwifra bini raokou kwnagwn, obla biswr boibw gao gaoni gwtwi hakomifrai ongarbwgwn: jaifra gaham kamani maodwngmwn, biswrw sikanganwi gwtangkou mwngwn, arw jaifra gajri maodwng, biswrw sikanggwn, natai dosi kalamjagwn" (Johon 5:28, 29). "Dusto mansifra songhami dinni takwi dwnjadwng? ... oblabw biyw gwtwi hakorao labwjagwn, arw gwtwi hakoraonw thagwn" (Job 21:30, 32 KJV).

Finnai: Baibela rwkhatar. Twinanwi thangnai basai janai arw basai jayifra gaoswrni hakoraonw thagwn tangkangfinnaini dinsim "undulangwng" ... (Study Guide 10 kou naidw tarwinw twinaiao ma jaywkou mitibaonw.)

4

Fapni jwbtha fitaia ma?

"Fapnifrai mwnnai bitaia twinai; natai lswrni wrwinw hwnai dana jwngni Fwrbu

Jisu Kristoniao jwpnw gwiyi gwtang" (Romari 6:23).

"Fap-a rabla twinaikou labwyw" (Jakob 1:15). "Iswra ... gaoni sase lo Bicajlakou wrwinw horbai, bikou jaia fwtaigwn, biw adri janai nonga, natai jwpnw gwiyi gwtangkou mwngwn" (Johon 3:16).

Finnai: Fapni beton (eba fitaia) twinai, nwrwkao jwbwn gwiyi jiu nonga. Dustofra "songhar" jagwn, eba "twigwn." Dhwrwmiakra "jwbwn gwiyi jiu" kou mwngwn.



Jisua jwngkou
fapfwrnifrai basainw
twibai. Jaifra basai
janaini bantakou najaoa
biswrw twinaikou
mwngwn.

5

Dustofra nwrwkao ma jagwn?

“Natai gikofwr, fwtaiyifwr, andaihwgrafwr, mansi sitargrafwr, jinahari kalamgrafwr, mwntwr raigrafwr, murti kulumgrafwr, arw swlwigrafwrni jaigaya jwngnai ort arw gondokni gejerao jagwn. Benw nwiti twinaia” (Nujahojanai 21:8).



Finnai: Dustofra nwrwkao nwiti twinaikou mwngwn. Dustofra nwrwkao saja hwjananwi tangbai thaywbla, biswrw twirwngyi jagwn. Natai be mablabbaw janw haya manwna Baibela bungw “Biswr lo twirwngyi” (1 Timoti 6:16). Jeba Adom arw Haoaya Eden Bagannifrai hwkar horjadwngmwn, obla sase Arfokou Jiuni Bifang rwikha kalamnw dwndwngmwn jen fapifra jiuni bifangni bitaikou jahnanwi “tangbai thanw” haya badi. (Jagajennai 3:22-24). Je fwrwngnaia fapifra nwrwkao twirwngyi janai hwnnanwi fwrwngw be Switannifrai ongkhardwng arw be furawi gwrwnti. Bekou lswra be firtimiao hwftadwngmwn jebba Biw jiuni bifangkou rwikhati hwdwng.

BAIBELA BUNGW Dustofra FURAWI FWJWBSRANG JAGWN.

Dustofra “twinaikou” swinangwn	Romari 6:23
... “fwjwbsrang” jagwn	Job 21:30
... “jwbgnw”	Gitfor 37:20
... “kamjwbgnw”	Malaki 4:1
... “songhar” kalamjagwn	Gitfor 37:38
... “gwia jagwn”	Gitfor 37:20
... “juda kalam jagwn”	Gitfor 37:9
... arw “danso jagwn”	Gitfor 62:3
lswra biswrkou “fwjwbsrangwn” ...	Gitfor 145:20
Ora biswrkou “kamtar jwbgnw” ...	Gitfor 21:9

Gwsbao laki je befwr gaswibw hwnai fwrmanfra rwkhawi dintiw je Dustofra twigwn arw fwjwbsrang jagwn. Nwrwkao swinanwi biswrw orai somni lagwi tangbai thaya.



6

Mabla arw mabrwi nwrwkni orkou fwjwngwn?

“Bebadinw jwpnaini bwtwrao jagwn.

Mansini bica houaya gaoni rajjwnifrai arfowrkou twnhoranwi ... biswrkou gwmwrwngyi orao garsongwn” (Matai 13:40-42). “Arw be mansifra buhumni jeraobw tahngnanwi lswrni mansifwrni bada arw bini onnai nwgwrfrwkou bengkonhwigwn; natai swrgwnifrai ort ongkarbwnanwi biswrkou songhar kalamgwn” (Nujahojanai 20:9). ‘Mwjang mansifra firtimiaonw mwjangni bitaikou mwnkayw, binikai mitikadw dusto ar fap maografra sajai hwjatargwn” (Boson Bijap 11:31).

Finnai: Baibela bungw je lswra nwrwkni orkou fwjwngwn. Swrgwnifrai gwtar nwgwra gahaiao fwainai unao (Nujahojanai 21:2), Dustofra bikou gaglwnw najagwn. Bi somaonw, lswra nokrangnifrai be firtimiao ortni okha hahwngwn, arw dustofwrkou fwjwbsrangwn. Be ort-anw Baibelni nwrwkni ort.



7

Nwrwkni ort-a bese geder arw bese gudung jagwn?

“Natai Fwrbuni be sana sikaobadi fwigwn. Be sanao nokranga gitaotao swgwmnanwi gwmagwn, buhum arw biao dongnai maniabw kamglijwpgwn (2 Petor 3:10).

Finnai: Nwrwkni ort-a be firtimi esegeder jagwn manwna be firtimianw khamjwbwngwn. Be ort-a esegrap gudung jagwn je be firtimiakounw gilihjwbwngwn arw beaoni kamanifwrkoubw khamjwbwngwn “beao dongnai maniabw kamglijwbwngwn.” Firtimini bar-mondol-abw berfrugwn arw “nokranga gitaotao swgwmnanwi gwmagwn.”



8

Dustofra nwrwkni ort-ao bese gwbaosim swinangwn?

"Kwnasong! Angw gwkrwi fwigwn! Arw safrwmbw gao gaoni maonaibadi angnifrai mwnnangou bantakou angw lwgwao labwfagwn" (Nujahojanai 22:12). **"Safrwmbw gao maonai badi mwnnanggoukou biw hwfingwn"** (Matai 16:27). **"Jai lenga girini gwswkou mitinanwibw girini hastainai badi maonw tam tim jaya, eba maoa, bi lenga gwbrap sajai mwngwn. Natai bigbani gwswkou mitialaba, swrba lenga maobronanwi sajai mwnnangoublabw, biw ise lo sajai mwngwn. Jainw bangsin hwdwng, binifrai bangsin bifinnai jagwn, arw jainiao bangsin dwdwng, binifrai bangsin naigirmai jagwn"** (Lukas 12:47, 48).

Finnai: Dustofra nwrwkni ort-ao twinaini sigang besegwbao swinangwn bekou Baibela jwngkou bungakwi. Natai Iswra rwxhawi fwrmaidwng, je gaswibw gaobagao maonaini gejerjwng sajakou mwngwn. Beni wngtia kaifa mansifra gubunfwrni krui barasin saja mwngwn, biswrni maonaifwr badiwi.

9

Nwrwkni ort-a jwbthayao gwmwrgwn na?

"Nai, biswrw jigapni soman orjwng kamgli jagwn, biswrw or salaini bwlwnifrai gao gaoarikou basainw hanai nonga; bifwrhao gudung mwnnw eba bini katiao jonanwi or sainw jwngnai hanggar badi janai nonga" (Jesaia 47:14) **"Bini unao angw mwne gwdan nokrang arw mwne gwdan firtimi nubai ... Biw biswrni gaswi mogo mwdwikou hugarnanwi hwgwn. Biao twinai, bika kamnai, gapnai eba sanai-sunai gwibaolia; manwna sigangnia gaswibw jwpbai"** (Nujahojanai 21:1, 4).

Finnai: Nongou! Baibela rwxhawi fwrwngw je nwrwkni or-a gwmwrgwn –je jwbthayao "or sainw jwngnai hanggar badi thanai nonga" Baibela bekoubw bungw je Iswrni gwdan raijwao "sigangnifra" gwmwrjwbwngwn. Nwrwk-a sigangni bisoi, beni takwi Iswrni somai lanai badi, nwrwk-abw kwmwrjagwn.

*Iswra Gaoni bisarufwrkou gitaotao
orao oraibw somni lagwi saja
hwywbla, Biw daoha nangnai somao,
gajrisin mansini onnai gwiwi ni krui
barasin durasari eba onnai gwiwi fapi
jagwn. Nwrwkni orao jwbwng gwiwi
sajaya Iswrni takwibw nwrwk jagwn,
jai Iswra boini krui mugwi jatao
fapikoubw onnw.*

10

Jebła nwrwkni ora gwmwrgwn obla ma thalangwn?

“Manwna nai, odapni soman kamnanwi dungnai dina fwigou, obla boibw dugafwr ar dustu maografa jigapni soman jagwn, ar fwigwn dinao biswrw caogar jagwn ... bi dinao biswrni bilai, rwdā eba dalai jebw tabaonai nonga ... Ar nwnswrw dustukou gagligwn, manwna angni kamani maonai dinao biswrw nwnswrjwng gaflejanai hatofla badi jagwn, binw birgwnfwrni Fwrnuni hwnnai” (Malaki 4:1, 3).

Finnai: Nwjwrhw je be siriao Dustofra asbestos badi kamnai nonga, jwrwi gwbang mansifra fwtaiw, natai jigapbadi, kamjwbwgn. Fica swdwb “jwb” ni wngtia furawi kamjwbwgn. Jebła ort-a gwmwrgwn obla hatofla lo thalangwn. (Gitfor 37:10, 20), ao Baibela bungdwng Dustofra ukhundwiao gwjouao thangwn arw furawi fwjwbsrang jwbjagwn.



11

Dustofra nwrwkao mwdwmni mohorao habnanwi jiuma arw mwdwm mwnnwibw fwjwbsrang jagwn nama?

“Arw nwngni agda akaia nwnkou fap-ao kwklwibla, bekou nwnw danso nanwi garhorgar! Nwngni gaswi dehaya nwrwkao garjanaini krui farse akai gwiya nwngni lagwi gahamsin” (Matai 5:30). “Jaia mwdwm arw jiu, be mwnnwikoubw songhar kalamnw arw nwrwkao garhornw hagou, be Iswrkou nwnswrw gi” (Matai 10:28). “Jai jiua fap kalamgwn binw twigwn” (Esekiel 18:20).

Finnai: Nongou. Nongubwigou, gwtang mansifra mwdwmni mohorao nwrwkao mwnnwibw mwdwm arw jiuabw fwjwbsrang jagwn. Iswra nokrangnifrai tarwinw mansifwrni sayao ort kwklinanwi fwjwbsrang jwbwgn arw biswrni tangnanwi thanaia gwiya jagwn.



12

Switana nwrwkni bigba jagwn nama?

"Swlwigra Switana ort arw gondokni lwitwao garson jagwn" (Nujahojanai 20:10). "Ar boibw nwngekou naigrafwrni siganggao Angw nwngekou hatofla kalamnanwi hayao garnanwi dwnnaikou boibw nubai, ... ar nwngw jeblaiw jakang finbaonai nonga" (Esekiel 28:18, 19).

Finnai: Rwkhaywi nonga! Switana ort-ao garjagwn, arw biw hatofla jagwn.



13

"Nwrwk" ni swdwba Baibelao oraibw ort jwngnaini jaiga eba sajakou fwrmaiw nama?

Nonga. "Nwrwka ... Baibelao (KJV) 54 bar hwnai dong, arw 12 barsim lo "ort jwngnaini jaiga" hwnnanwi bungdwng. Be gubun swdwbfwrni frai rao danslainai jadwng jaifwrha gubun gubun wngtifwr dong, jaifwrkou gahaiwo hwdwng:

GWJAM RODAIAO

31 bar "Sheol," nifrai beni wngtia "gwtwi hakor."

GW DAN RODAIAO

10 bar "Hades," nifrai beni wngtia "gwtwi hakor."

12 bar "Gehema," nifrai beni wngtia "ort jwngnaini jaiga."

1 bar "Tartarus," nifrai beni wngtia "kwmsini jaiga."

Sungdo Bekeoti: "Gehema" ni swdwba Ebraiari raonifrai danslainai jadwng "Ge-Hinnon," beni wngtia "Hinnon-ni hayen. Be hayenna Jerusalemni sanja-kwlayao dong. Be jaigayao gwtwi junarfwr, jabwr, arw gubun dakwr-dalafwrkou garwmwn. Jwrwi athikalni sakon sikonfwrni rahaya be jabwr gargra jaigayao ort-a oraibw jwngbai thayw. Baibela "Gehema" eba "Hinnon-ni hayen" -kou jwbtha somao ortjwng fwjwbsrangnaini nerswn bahaidwng. Gehema-ni ort-ao jwbwng gwiwi ort nonga. Nongabla, Jerusalemni sanja-kwlayao dabw ort-a jwngbai thagoumwn. Bi badinw nwrwkni ort-abw jwbwng gwiwi nonga.

14

Nwrwkni ort-ao lswrnha ma bitangki dong?

“Angnifrai gwjan ja! Switan arw bini arfofwrni lagwi tam tim kalamkanai gwmwrrwngyi orao tahng!” (Matai 25:41). “Jaifwrni munga gwtangni bijap-ao lirjayakwi, biswrw orni lwitwao garsonjabai” (Nujahojanai 20:15). “Manwna ise sanfwrni unao langsuniafra gwia jagwn, ... Natai langsuniafra adri jagwn, arw Fwrubuni bisarufra ... gwmwrlangw, ukundwi badi jwplangw” (Gitfor 37:10, 20).

Finnai: lswrni bitangkia Switan, gaswi fap, arw basai jayifwrkou nwrwkao fwjwbsrang jwbnanwi songsarkou oraini lagwi rwikhati kalamnw. Be firtimiao fapni ise agan thalanglabw, binw gaswibw mulugfwrkou orai somni lagwi sigigra gilul balu jibsa-virus jagwn. lswrni bitangkia fapkou gaswi somni lagwi fwjwbsrangnw!

Oraini nwrwk-a fapkou jugami kalamgwn

Nwrwkao orai somni lagwi saja hwbai thanaia fapkou jugami kalamgwn arw fapkou mablabbabw kwmwrnw hanai nonga. Nwrwkao saja hwbai thanaia mablabbabw lswrni bitangki nonga.

Be badi bungfurlua gwtar arw onsula lswrni mungkou neusiw. Onsula Swrijigiri lswrkou Switana sase gilul balu geder gajri rakhos mohorao nainw rongjayw.

Baibelao oraini nwrwka hwnai gwia

“Nwrwkao oraini saja” bungfurlua Baibelao swmjiakwi, antai Switan jwng dwiden janai mansifwrnifrai fwidwng. Arw nwrwk kou ginaiao jwng gwsu hwnw hagou, natai jwng ginaijwng nonga antai lswrni doya jwngsu basai jayw.



15

Basai jayifwrkou fwjwbsrangnaia lswrni aku nonga na?

"Angw Dustoni twinaiao kusi jaya, antai dustoa gaoni inainifrai gidingnanwi gwtangwi tatwng hwnnanwisw ang lama naiw. Nwngw manw twinangnw icca jayw?"

(Esekiel 33:11). "Mansini Bicaya subungfwrni jiufwrkou fwjwbsrangnw fwiakwi natai biswrkou basainwsw fwidwng" **(Lukas 9:56 KJV).** "Fwrbua gosonggwn ... ar biw gaoni kamani, gaoni asorit kamanikou maofungwn! Ar raobw nuferyi kwnaferyi gaoni kamanikou maogwn" **(Jesaia 28:21).**

Finnai: Nongou ... lswrni kamania oraibw basainwsw fwjwbsrangnw nonga. Dustofwrkou nwrwkao fwjwbsrangnaia lswrni aku nonga, binikainw Baibelao Bini "nuferyi-kwnaferyi kamani" bungnai jadwng. Dustofwrkou fwjwbsrangnaini somao lswrni geder bikhaya sahgw. Oh, gaswibw subungfwrkou basai naini takwi Biw besegrap gws w hwnanwi maow! Natai swrbaya Bini onnaikou jwgarwbla arw fapjwng sitapbwbla, lswrha saikonaini takwi jebw raha thanai nonga, natai gws swlaiyi fapi mansikou fwjwbsrangnanwi mulugnifrai gitao batao, gilul balu fwtwigra "Fap" kou jwbaini sano kwmwrgwn.

lswra
onnai
nonga?
nama?

*lswra gwtouwi duku
mwngwn jebla Biw biswrkou
fwjwbsrang kanangwn
jaifwrni takwi Bini Bicajlaya
twidwngmwn.*

16

Be firtimi arw Gaoni mansifwrni takwi nwrwkni swmwndwi lswrni bitangkia ma?

“Biw konseonw fwjwbsrangjwbwgn; konnwini nidana fwibaonai nonga” (**Nahum 1:9**).
 “Manwna nai, angw gwdan nokrang ar gwdan firtimi swrjidwng, ar gwdwni bisoifra gwswkang baojanai nonga, eba monao fwibaonai nonga” (**Jesaia 65:17**).
 “Da mansijwng kaminw lswra fwibai! Biw mansifwrjwng tafagwn, arw biswrw bini mansifwr jagwn. lswra gaonw biswrjwng tafagwn, arw biswrni lswr jagwn. Biw biswrni gaswi mogon mwdwikou hugarnanwi hwgwn. Biao twinai, bika kamnai, gapnai eba sanai- sunai gwibaolia; manwna siganggnia gaswibw jwpbai” (**Nujahojanai 21:3, 4**).

Finnai: Nwrwkni ort-a gwmwr kangbla, Edenao fap habnaini sigang jwrwi somaina arw mohima jwng bungfobnaimwn ... bibadinw lswra gaoni mansifwrni takwi gwdan firtimi swrjigwn. Sanai-sunai, twinai, duku daha, hangma sunangnai, mwdwi, beram, gwsww baiglinai, bikha kamnai, arw gaswibw fap-a ... oraini lagwi kwmwr jagwn.



Fap-a arbao ujikangfinnai nonglia

lswra somaikira ladwng je fap-a arwbao mablababw ujikangfinbaonai nonglia. Bini mansifwrni jiuao oraibw gwjwnaia, onnaia, rongjanaia, arw twjasea abungwi bungfobbai thagwn. Biswrni kusijwng arw jwbwr rongjananwi tangnaini jiu, beseba sabsin-gahamsin jagwn, jaikou jwng gaoni raojwng bijirnw hanai nonga. Nwrwkni tar duku nangtao jataia beao swrgw gwia. Jai mansia be jwbwr somaina rajjwao habnw sannakwiswi biw tangnanwi thasandiao boini kroi duku nangtao saiko nanwi labai.

17

lswra dustofwrkou nwrwkao jug jug bwswrsm saja hwbai thanai nongakou rwngnanwi nwing sabaikor nonga nama?

Nwngni Finnai:

Nwngni Swnglufwrni Finnaifwr

1. Baibela “jwbngwgiyi swinangnai” - ni swmwndwi bunga nama?

Finnai: Nonga ... jwbngwgiyi swinangnai” batraya Baibelao gwia.

2. Bidibla Baibela manw bungw je Dustofra kwmwrnw hayi ortjwng fwjwbsrangjagwn?

Finnai: Kwmwrnw hayi ort-ao jai ortkou kwmwrnw haya, natai jebba biyw gaswikoubw kamjwbw obla biw harsingwinw gwmwrkayw. **Jeremia 17:27** ao bungdwng je Jerusalema kwmwrnw hayi ortjwng fwjwbsrang jadwngmwn, arw **2 Itihas 36:19-21** ao Baibela bungdwng je bi “nwgwra Jeremiani kougani gejerjwng Fwrnuni bungnai raoa jafungsarhwnaini takwi caojadwngmwn” arw bi jaigakou sringsro kalambai. Obla, jwng mitigou je bi ort-a gwmwrnbi, manwna dinwi Jerusalema kambai thayakwi.

3. Matai 25:46 ao Dustofra “jwbngwgiyi swinangnaikou” mwngwn hwnnakwi nama?

Finnai: Beao “swinangwn” ni swdwbkou nwjwrhw, swinangbai thanangwn nonga. Oraibw swinangbai thanangwn-na mwne arw swinangwn na kebse lo. Dustoni swinangnaia twinai, arw twinaia orai somni lagwi.

4. Matai 10:28 kou nwng bijirnw hagwn na “Mwdwm kou sitargrakou dagi natai mwdwm arw jiu sitargrakousw gi”?


Finnai: “Jiuma” ni swdwbba Baibelao mwntam wngtifwr dong: (1) Sase gwtang mansi, **Jagaijennai 2:7** -(2) melemjwng sannai, **Gitfor 139:1** ... arw (3) jiu, **1 Samuel 18:1**. Arbao **Matai 10:28** ao Jiumakou jwbngwgiyi jiukou bungnai jadwng, jaia be jiukou najaogwn lswra binw hwnaini takwi somaikira ladwng. Raobw bekou senw haya.

5. Matai 25:41 ao dustofwrni takwi “jwbngwgiyi ort” ni swmwndwi bungdwng. Be gwmwrgwn nama?

Finnai: Ou, Baibelni baidibla, biw gwmwrgwn. Jwngw Baibelkounw bungnw hwnangou. Sodom arw Gomorrahra jwbngwgiyi, eba oraini, ort jwng fwjwbsrang jadwngmwn (**Judas 1:7**), arw ort-ao biswrkou “hatofla” kalambai, be “jaifra wdhwrmiafwrni takwi” sabodan hwnai (**2 Petor 2:6**). Be mwnnwibw nwgwrfra dinwi kambai thayakwi. Ort-ao gaswikoubw kamjwbwanwi gwmwrnbi. Bibadinw, jwbngwgiyi ort-abw gaswikoubw kamjwbwanwi gwmwrgwn (**Malaki 4:3**). Ort kamnaini gwhwa jwbngwgiyi, natai ort jwngbai thanaia nonga.

6. Lukas 16:19-31 ao hwnai Lajar-ni sologa jwbngwgiyi nwrwkni swmwndwi fwrwnga nama?

Finnai: Nonga! Be bwswn gwnang sungdo fidingnai batrasw jaini gejerjwng Jisua dhwrwmni makase aidafwrkou fwrwngw. Be fidingnai batrani tar wngtikou 31 siriao mwnw. Fidingnai batrafwrkou nongubwigou hwnnanwi sannw nanga ... nongabla, jwng fwtaigwn je dongfangrabw raijlaiw! (**Niaigiri 9:8-15** kou naidw.) Beao makase rwkha switwfwr dong je **Lukas 16:19-31** – a fidingnai batra:




Finnai: “oraibw” swdwbw King James Version Baibelao 56 bar hwnai dong, jaifra jwbknanai batrafwrkou fwrmainai jadwng. Jwrwi “gwjou” swdwb, beni wngtia, be swdwbjwng mansifwr, dongfangfwr, eba hajfwfwrkou nagar nanwi gubun mungafwrkoubw gwjou bungjayw. **Jona 2:6**, ao “oraibw” ni wngtia “santam arw hortam.” **Huda Bijap 23:3**, ao beni wngtia 10 firifwr. Mansifwrni mamlayao beni wngtia “jeb lasim biw tangnanwi thagwn” eba “twiagoumani.” **(1 Samuel 1:22, 28; Ongkarlangnai 21:6; Gitfor 48:14 fwrkou naidw.)** Benikainw Dustofra jeb lasim gwtangwi thagwn, eba twinaisim ort-ao kamgwn. Safrwmbwni ort-ni sajaya soman janai nonga, gwbangsin fapmaonaia gwbaosin kamgwn arw isesin fap maonaia ise losin kamgwn, biswrw besegwbang fapfwrkou maodwngmwng bini unujai sajakou mwngwn, natai kamkangnaini unao ort-a gwmwrjwbwng. Baibelni baidi nongyi be Switanni dihun najiwng, oraibwni lagwi saja mwnnaini fwrwngnaia barasin mansifwrkou Iswrkou fwtwai jahdwng. Be swrgwni doyalu Afani onsula akukou neusidwng arw Kristianni kamanikou bungso hayini koha kalamdwng.

Beyao Nwngtangni Bibungti Eba Swnglupwrkwo Iirnanwi Swngdw



01



02



03



04



05



06



07



08



09



10



11



12



13



14

Be Study Guide a 14 fariaoni mwnselo!

Mwnfrwmbw aidaya gwmwtao nwngoutarfwjwng bungfobna dong bifwrw nwngkou
arw nwngni nokorkou swlaihgwgn arw oraisomni lagwi jwrnaini mijing hwgn.

Be forainiaio dwidengra mwnfrwmbw bijabkou nagarnw nanga!

Study Guide 1: Nwngtanga Fwtainw Hanaini Mabafrw Dongbaow Nama?

Study Guide 2: Iswra Switankou Swrjidwngmwn Nama?

Study Guide 3: Twitar Kabaimwn Binifrai Basaijabai

Study Guide 4: Okhrangao Mwnse Nwgrwma

Study Guide 5: Khusi Julini Sabifwr

Study Guide 6: Ontaiyao Liranil

Study Guide 7: Jariminao Gwmanai San

Study Guide 8: Jwbthayao Basaijanai

Study Guide 9: Gwgr & Gwhw

Study Guide 10: Gwtwifra Tarwinw Twitarbai Nama?

Study Guide 11: Switana Nwrwni Bigwma Nama?

Study Guide 12: 1,000 Bwswni Gwjwnai

Study Guide 13: Iswrni Wrwinw Hwnai Dehani Nemkantifwr

Study Guide 14: Maninaia Ayenbadini Nama?

Jebna nwng sigangni 14 Study Guidesfwrkou fwjwbgwn, obla nwngthanga jwngni advance set-ni takwi liranwi bihordw.

Amazing Facts India, Post Box No 51, Banjara Hills, Hyderabad - 500034

Fwrmaiit bilai kwo phwjwbnaini sigang onnanwi be aidakwo phoraiyw. Gaswibw pinnaifwarkow porainai guidao mwnnw hagwn. **Thar pinnaikwo dagi hwdw. (1) ao tanai anjimapwra thar pinnaipwrni onjimakwo dinthiyw.**

Formkwo abung kalamnw takai onnanwi “Adobe Reader” bahaiyo.

1. Fapifra nwrwkni ort-ao garjayw (1)

Jebila biswrw twiw.
Songsarni jwbnai somao.
Switan jwng.

2. Fapifra nwrwkao banta mwannaia (1)

Twinai.
Oraibwni saja.
Switanjwng saja hwjanai, jaia bigba.

3. Nwrwkni ort-ao (1)

Iswrjwng fwjwng janai gaswibw songsarao ort.
Be somao jwngasenw dong.
Oraibw somni takwi jwngbai thanai ort.

4. Jai fapifra twibai biswrw (1)

Purgatory-ao dong.
Nwrwk-ao dong.
Gaoswrni gwtwi hakor-ao dong.

5. Dinwi nwrwkni onjimaya (1)

Tarwinw latiko.
Kouti koutini onjima.
Bungso haya.

6. Nwrwkni ort-ao (1)

Dustofwrni mwdwmkwo lo fwjwbsrangw.
Dustofwrni jiumakou oraisomni lagwi saja hwyw.
Basai jayi mansifwrni mwdwm arw jiukou
fwjwbsrangnanwi hatofla kalamw arw ort-ao
gwmwrw.

7. Jwbnw gwiwi nwrwkni sajaya (1)

Iswrni mwense gwnangtar bitangkini bahagw.
Switanni fwrwngnai arw gwtar, onsula Iswrni
mungkou neusigra, jaia mansifwr swinangbla
mugwiga.
Switanni takwi oraisomni lagwi kamani hwgra.

8. Baibelao “Nwrwk-a (1)

Oraibw ort jwngnai jaigakou fwrmaiYW.
Gwbang wngtifwr dong, mwntsea “gwtwi hakor”
Switanni saja hwgra hasingaoni no.

9. Nwrwkni tar kamania (1)

Iswrni bisarufwarkou finsaja hwnai.
Mwjang mansi janaini takwi siginai.
Mulugnifrai fap arw gajrikou furawi fwjwbsrang
nanwi dhwrwmiafwrni lagwi oraisomni lagwi
rwikhati kalamnai.

10. Nwrwkao subungfwrkou fwjwbsrangnaia (1)

Swrgwni geder Iswra kusi jagwn.
Bekou “Iswrni nuferyi arw kwnaferyi kamani”
bungnai jadwng manwna be basaigiri Iswrni aku
nonga.
Be Iswrni bitangkikou fura kalamnw Switanni kamani
jagwn.

11. Nwrwkni ort-ao gwmwrkangbla, (1)

Iswra Switankou nokrangni baherao gwiwi
kalamgwn.
Iswra mwntse gwdan firtimi banaigwn, jerao
fap-a ujikangfnnai nonga, arw bikou Biw gaoni
mansifwrnw hwgwn.
Fap-a ujikangfngwn hwnnanwi dhwrwmiafra
ginaijwng tangwn.

12. Dhwni mansi arw Lajarni solo (1)

Be mwntse fidingnai batra bekou tar hwnnanwi sanna
lanw nanga.
Be mwntse nwrwkao sajani swmwndwi Baibelni
fwrwngnai fwrman.
Be mwntse nwrwkni jiufra swrgwni jiufwrjwng
raijlainw hanaini fwrman.

13. Oraibw swdwbkou Baibela mansini jiukou lananwi bahaidwng (1)

Beni wngtia "jwbnw gwiyi som."

Be gwmwtao arw bujisonw hayi.

Beni wngtia "mansini tangna thasandini som" eba
'twijase."

14. Ang bekou rwngnaini takwi sabaikor je lswra dustofwrkou nwrwkni ort-ao oraisomni lagwi saja hwa.

Nongou.

Nonga.

Arw gaswibw swnglupwrni pinnaikwo hwnw ti kalam!



Mung tisonnw takai nwngtangni mung, email arw janbung nomborkwo hw.
Nwngtangni unni guidewrkwo mwnnw takai "Sabmit" ao click kalam

Nwngni mung :					
Nwngtangni Email :					
Janbung nambar :					
Nwngtangni tong :					
Nwggwr, Jilla :		Raijw :		Hadwr :	
Pin :		Bwisw takw :		Atwn :	

Nwngtangni fwnangjab
fwrmaidikwo update kalam: